



ᓄᓇᓂᓪ ᓂᓕᓂᓪᓂᓪᓂᓪ
Nunavut Maligaliurvia
Legislative Assembly of Nunavut
Assemblée législative du Nunavut

T U H A G A K H A Q

Niqiqattiarniq Ukiuqtaqtumi Kanatami Ahiillu Apiqhuqtauvaktut Qaitquyahimayut Hivuraanut Maligaliurvingmi

IQALUIT, Nunavut (February 23, 2011) - Ron Elliott, Maligaliuqti Quttiktumi, ublumi tuhaqtittiyuq malrungnik pigiaqtitaunirmik qaitquiyumabluni apiqhuqtauyukhanik hivuraani Maligaliurviup Katimayiralaanginni Tamainni kiutqublugit apiqhuutainnik Maligaliuqtinit ihumaaluutauvaktunik kavamatuqatkut Niqiqattiarniq Ukiuqtaqtumi Kanatami Havauhiannik.

Ukuak pigiaqtitauniik ihumaliurutiginiaqtaat Maligaliurvingmi katimaliqqata Tallirmiuni, February 25, 2011. Ukuak pigiaqtitauniik aippiqturniaaraa uumap Ihumagiyauttiaqtup Tagak Curley, Maligaliuqti Kangirlinirup Nigiani.

“Tamaita Maligaliuqtit Maligaliurvingmi ihumagittiaqtaat hamna nutaaq Niqiqattiarniq Ukiuqtaqtumi Kanatami Havauhiat ikayuutauvaktut kivgaqtuqtaptingnut,” uqaqtuq Mr. Elliott. “Katimaqatigiyatka kavamatuqatkut havaktiit piulluqtuq talvalu quviahuktunga tunngahuktittiniaqtut kiuyukhanik apiqputauyunik katimaqatimnit.”

Ukiakhami 2010-mi, qaffiuyunigliqaak apiqhuqtauvaktunit uvannгааqtunik North West Company-kunnit, Arctic Co-Operatives Limited Kuapatkunnit, First Air-kunnit ahiillu timiuyunit hivraaniinnamik Kavamatuqatkut Katimayiralaanginni Nunaqaqqaqtut uvvalu Ukiuqtaqtumi Pivallianikhaanni qimilruuqhiblutik haffuminnga nutaamik Niqiqattiarniq Ukiuqtaqtumi Kanatami Havauhiannik.

“Kavamatkut Nunavunmi tuniqhihimayut kaaktailinikharmut nunaptingni,” uqaqtuq Mr. Curley. “Ikayuutigiblugu ukuat Nunavunmiut akituvallaanngittumik niqikhariakpaktukhat uvvalu atuqtaulluqapaktunik hunanigliqaak tikittumayaat haffumap kavamatkutigut atuqtaulirlutik, ilaa talvuuna ikayuqtuivunga katimaqatingma pigiaqtittihimayaanik uqaqatigiigutikhaqqut haffumanik ihumaaluutaulluqtaumit.”

-30-

Tuhaffaarumaguvit:

Ron Elliott, MLA
Quttiktuq
Uqautikkut: (867) 975-5015